

ბიპი ექსპლორეიშენ (კასპიის ზღვა) ლიმიტედი და ბიპი ექსპლორეიშენ (შაჰ დენიზ) ლიმიტედი თავიანთი ბიზნესსაქმიანობის შედეგებს აქვეყნებენ პრესრელიზის სახით. ბიპი ექსპლორეიშენ (კასპიის ზღვა) ლიმიტედი აზერი-ჩირაგ-გუნაშლის საბადოს ოპერატორი, ბაქო-თბილისი-ჯეიჰანის მილსადენის მმართველი და ბაქო-თბილისი-ჯეიჰანის და სამხრეთ კავკასიის მილსადენების საერთო ოპერატორია. ბიპი ექსპლორეიშენ (შაჰ დენიზ) ლიმიტედი შაჰ დენიზის საბადოს ოპერატორია. თითოეული ამ საწარმოთაგანი გვაწვდის მათი პროექტების შესაბამის ინფორმაციას, და აკეთებს განცხადებებს თავიანთი პროექტების შესახებ.



ინფორმაცია ბიზნესსაქმიანობის შესახებ 2025 წლის მესამე კვარტლის შედეგები

2025 წლის 6 ნოემბერი

აზერი-ჩირაგ-გუნაშლი (ACG)

ACG-ის წილობრივი მონაწილეობა: bp (30.37%), SOCAR (31.65%), MOL (9.57%), INPEX (9.31%), ExxonMobil (6.79%), TPAO (5.73%), ITOCHU (3.65%), ONGC Videsh (2.92%).

ბიპი ექსპლორეიშენ (კასპიის ზღვა) ლიმიტედი ACG-ის ოპერატორია, ACG-ის პროდუქციის წილობრივი განაწილების შესახებ ხელშეკრულებაში მონაწილე მხარეების სახელით.

2025 წლის მესამე კვარტლის განმავლობაში, ACG-ის საქმიანობის ფარგლებში, ბიპი-ს და მისი პარტნიორების საოპერაციო დანახარჯი დაახლოებით 388 მილიონი აშშ დოლარი, ხოლო კაპიტალური დანახარჯი კი 912 მილიონი აშშ დოლარი იყო.

მესამე კვარტალში, ACG-ზე მეორე წელია გრძელდება 4-განზომილებიანი სეისმური პროგრამის დასრულების შემდეგ მიღებული მონაცემების სეისმური დამუშავება.

წარმოება

2025 წლის მესამე კვარტალში ACG-მ გააგრძელა უსაფრთხო და საიმედო წარმოება. ACG-მ წლის პირველი სამი კვარტლის განმავლობაში საშუალოდ დღეში 327,000 ბარელი ნავთობი აწარმოა. (ჯამში 89 მილიონი ბარელი ანუ 12 მილიონი ტონა) შემდეგი პლატფორმებიდან: ჩირაგიდან (21000 ბ/დ), ცენტრალური აზერიდან (88,000 ბ/დ), დასავლეთ აზერიდან (75,000 ბ/დ), აღმოსავლეთ აზერიდან (43,000 ბ/დ), გუნეშლის ღრმაწყლებიდან (52,000 ბ/დ) და დასავლეთ ჩირაგიდან (24,000 ბ/დ) და ACE-დან (24,000ბ/დ).

2025 წლის 18 თებერვალს აზერი-ჩირაგ-გუნაშლიმ ცენტრალური აზერის პლატფორმიდან პირველი ნავთობის წარმოების 20 წლისთავი იზეიმა, ჯამში კი უკვე 1.2 მილიარდი ბარელი (155 მილიონი ტონა) ნავთობი აწარმოა ამ პლატფორმიდან.

2025 წლის სექტემბრის ბოლოს, 145 ჭაბურღილი აწარმოებდა ნავთობს, აქედან 48 ჭაბურღილი წყლის და ერთი კი გაზის ინიექციისათვის იყო გამოყენებული.

ბურღვა და პროექტების დასრულება

2025 წლის პირველი სამი კვარტლის განმავლობაში ACG-მ ნავთობის მწარმოებელი ექვსი ჭაბურღილის, ოთხი წყლის ინიექციის და ერთი გაზის ჭაბურღილის მოწყობა დაასრულა.

ასოცირებული გაზი

პირველი ცხრა თვის განმავლობაში, ACG-მ აზერბაიჯანის სახელმწიფოს საშუალოდ დღეში 8 მილიონი კუბური მეტრი ასოცირებული გაზი მიაწოდა (ჯამში 2.1 მილიარდი კუბური მეტრი). ძირითადად სანგაჩალის ტერმინალზე, ამასთანავე სოკარის ნავთობის ქანების ობიექტზე. წარმოებული ასოცირებული გაზის ნარჩენის რეინიექცია განხორციელდა რეზერვუარში წნევის შესანარჩუნებლად.

არა-ასოცირებული გაზი

2024 წელს ACG პროდუქციის წილობრივი განაწილების შესახებ ხელშეკრულების დანართის ხელმოწერის შემდეგ, დაიგეგმა და უსაფრთხოდ მოეწყო პირველი ჭაბურღილი, ორი პრიორიტეტული რეზერვუარიდან გაზის მისაღებად. ჭაბურღილის მოწყობა არსებული დასავლეთ ჩირაგის პლატფორმიდან განხორციელდა. ამ ჭაბურღილის მოწყობა მნიშვნელოვანია, რადგან ის წარმოებასთან ერთად შეფასების

საშუალებასაც იძლევა, რაც განვითარების გეგმებს დაედება საფუძვლად. ამჟამად მიმდინარეობს მზადება რეზერვუარიდან პირველი გაზის მისაღებად 2026 წელს.

სანგაჩალის ტერმინალი

2025 წლის მესამე კვარტალში ACG-ის და Shah Deniz-ის საბადოებიდან მოპოვებული ნავთობი და გაზი ზღვისქვეშა მილსადენებით სანგაჩალის ტერმინალისკენ მიედინებოდა.

ტერმინალს ამჟამად დღეში 1.2 მილიონი ბარელი ნედლი ნავთობის და კონდენსატის გადამუშავება და შაჰ-დენიზის საბადოზე მოპოვებული დაახლოებით 81 მილიონი სტანდარტული კუბური მეტრი გაზის გადამუშავება შეუძლია. თუმცა საერთო ჯამში ტერმინალის გაზის გადამუშავების და ექსპორტის სიმძლავრე, ACG-ს ასოცირებულ გაზთან ერთად დაახლოებით დღეში 100 მილიონი სტანდარტული კუბური მეტრია.

პირველი ნახევრის განმავლობაში სანგაჩალის ტერმინალმა ბაქო-თბილისი-ჯეიჰანის მილსადენის საშუალებით დაახლოებით 159 მილიონი ბარელი ნავთობის და კონდენსატის ექსპორტი განახორციელა.

გაზის ექსპორტი ხორციელდება სამხრეთ კავკასიის მილსადენის, სამხრეთ კავკასიის მილსადენის გაფართოების სისტემის და აზერბაიჯანის გაზის მილსადენების საშუალებით, რომელიც სანგაჩალის ტერმინალის გაზის გადამამუშავებელ მოწყობილობებს აზერიგაზის ეროვნულ გამანაწილებელ სისტემასთან აკავშირებს.

2025 წლის პირველ სამ კვარტალში, სანგაჩალის ტერმინალიდან ექსპორტზე დღეში საშუალოდ 74.5 მილიონ სტანდარტულ კუბურ მეტრზე მეტი (დაახლოებით 2,629 მილიონი სტანდარტული კუბური მეტრი) შაჰ-დენიზის გაზი გადიოდა.

ბაქო-თბილისი-ჯეიჰანი (BTC)

ბაქო-თბილისი-ჯეიჰანის კომპანიის (BTC Co.) აქციონერები არიან: bp (30.10%), SOCAR (32.97%), MOL (8.90%), TPAO (6.53%), Eni (5.00%), TotalEnergies (5.00%), ITOCHU (3.40%), ONGCVidesh (3.10%), ExxonMobil (2.50%) and INPEX (2.50%),

2025 წლის პირველ სამ კვარტალში, BTC-ს საქმიანობის ფარგლებში ჩვენი საოპერაციო დანახარჯი დაახლოებით 97 მილიონ აშშ დოლარი იყო და კაპიტალური დანახარჯი კი 50 მილიონ აშშ დოლარი.

1768კმ სიგრძის მილსადენმა 2006 წლის ივნისში ფუნქციონირების დაწყებიდან 2025 წლის პირველი კვარტლის ჩათვლით ჯამში 4.6 მილიარდზე მეტი ბარელი ნედლი ნავთობი გაატარა (605 ტონაზე მეტი). 6078 ტანკერი დაიტვირთა და გაიგზავნა მსოფლიო ბაზრებზე.

2025 წლის პირველ სამ კვარტალში, დაახლოებით 159 მილიონი ბარელი (19 მილიონი ტონა) ბი-თი-სი-ს მიერ ექპორტირებული ნედლი ნავთობი ჯეიჰანის ტერმინალზე 216 ტანკერში ჩაიტვირთა.

შაჰ-დენიზი

Shah Deniz-ის წილობრივი მონაწილეობა: bp (operator – 29.99%), LUKOIL (19.99%), TPAO (19.0%), SGC (16.02%), NICO (10.0%) და MVM (5.00%)

2025 წლის პირველ სამ კვარტალში, ბიპი-ს და მისი პარტნიორების საოპერაციო დანახარჯმა შაჰ-დენიზის პროექტში 1,836 მილიონი აშშ დოლარი შეადგინა, ხოლო კაპიტალური დანახარჯი 756 მილიონი აშშ დოლარი იყო, მათ შორის უმეტესი შაჰ-დენიზ 2-ის პროექტთან იყო დაკავშირებული.

წარმოება

2025 წლის მესამე კვარტალში შაჰ-დენიზის საბადომ განაგრძო გაზის მიწოდება ბაზრებისთვის აზერბაიჯანში (სოკარისთვის), საქართველოში (საქართველოს ნავთობის და გაზის კორპორაციისთვის), თურქეთში (ბოტაშისთვის) და კომპანია ბი-თი-სი-სთვის სხვადასხვა ლოკაციებზე და მყიდველებისთვის ევროპაში.

2025 წლის პირველი ცხრა თვის განმავლობაში, საბადომ ჯამში დაახლოებით 21 მილიარდი სტანდარტული კუბური მეტრი გაზი აწარმოა და დაახლოებით 3 მილიონი ტონა (დაახლოებით 24 მილიონ ბარელი) კონდენსატი შაჰ-დენიზ ალფა და შაჰ-დენიზ ბრავო პლატფორმებიდან.

შაჰ-დენიზის არსებული მოწყობილობების საწარმოო სიმძლავრე ამჟამად დღეში 74.1 მილიონ სტანდარტულ კუბურ მეტრ გაზზე მეტია, რაც წელიწადში 27.1 მილიარდ კუბურ მეტრს აღემატება.

პროექტი შაჰ-დენიზ 2

2025 წლის მესამე კვარტალში, შაჰ-დენიზ 2-ის პროექტმა უსაფრთხოდ განაგრძო წყალქვეშა სამუშაოების განხორციელება სამხრეთ-დასავლეთ ფლანგის დარჩენილი ჭაბურღილიდან.

ბურღვა

2025 წლის მესამე კვარტლის განმავლობაში, შაჰ-დენიზის ალფა პლატფორმის საბურღი დანადგარი სრული დატვირთვისთვის მზადყოფნის რეჟიმში მუშაობდა.

საბურღი დანადგარების საშუალებით საერთო ჯამში 23 ჭაბურღილის ბურღვა დასრულდა. დასრულებულ ჭაბურღილებში შედის ხუთი ჭაბურღილი ჩრდილოეთის ფლანგზე, ხუთი დასავლეთის, ოთხი აღმოსავლეთ-სამხრეთის, ხუთი დასავლეთ-სამხრეთის და სამი აღმოსავლეთ-ჩრდილოეთის ფლანგებზე.

სამხრეთ კავკასიის მილსადენი

The SCP Co-ს აქციონერები არიან: bp (29.99%), SGC (21.02%), LUKOIL (19.99%), TPAO (19.00%) და NICO (10.0%).

2025 წლის პირველ სამ კვარტალში, SCPC-ს საოპერაციო დანახარჯი ჯამში დაახლოებით 52 მილიონ აშშ დოლარი იყო და კაპიტალური დანახარჯი კი დაახლოებით 21 მილიონი აშშ დოლარი.

SCP 2006 წელს შევიდა ექსპლუატაციაში და შაჰ-დენიზის გაზს აწვდის აზერბაიჯანს, საქართველოს და თურქეთს. მილსადენის გაფართოების პროექტიდან თურქეთისთვის გაზის კომერციული მიწოდება 2018 წლის ივნისში დაიწყო და ევროპისთვის კი 2020 წლის დეკემბერში.

2025 წლის პირველ სამ კვარტალში, SCP-ის გაზის საშუალო გატარება იყო 63.1 მილიონი კუბური მეტრი დღეში.

სხვა პროექტები

შაფაგ-ასიმიანი

შაფაგ-ასიმიანის საზღვაო ბლოკზე არსებული რესურსების შეფასება და შემდგომი ნაბიჯების განსაზღვრა მიმდინარეობს.

ყარაბახი და ადუა

წლის მეორე ნახევარში, ბიპი შეუერთდა ყარაბახის ნავთობის საბადოს რისკის მომსახურების ხელშეკრულებას და აშრაფი-დან ულდუზუ-აუფარას საძიებო ტერიტორიის შესახებ პროდუქციის წილობრივი განაწილების არსებულ ხელშეკრულებებს. ბიპი-ს ორივე ხელშეკრულების ფარგლებში 35%-იანი წილობრივი მონაწილეობა და ოპერატორის სტატუსი აქვს. ეს ხელშეკრულებები სოკართან თანამშრომლობის ახალ შესაძლებლობებს იძლევიან და კასპიის რეგიონში ნავთობის და გაზის რესურსების განვითარების ყველაზე ეფექტური გზების ძიებას და არსებული ინფრასტრუქტურის საუკეთესო გამოყენებას უწყობენ ხელს.

ადამიანები

2025 წლის მესამე კვარტალში კომპანიაში 235 ადამიანი იყო დასაქმებული.

ბი-პი საქართველოს თანამშრომლების 99%-ზე მეტი საქართველოს მოქალაქეა.

ბი-პი-ს ძალისხმევა მიმართულია თანამშრომლების სწავლების და განვითარების პროგრამების ოპტიმიზაციისკენ. კომპანია ცდილობს წვლილი შეიტანოს ადგილობრივი ტალანტის ბაზრის განვითარებაში და მონაწილეობა მიიღოს საზოგადოებრივი და კერძო სექტორის ინიციატივებში.

სოციალური ინვესტიციები

საქართველოში, ისევე როგორც კასპიის რეგიონში, ბი-პი-ს პროექტების წარმატება გარკვეულწილად დამოკიდებულია ოპერატორის შესაძლებლობაზე შექმნას ხელშესახები სარგებელი ამ პროექტებიდან რეგიონის მოსახლეობისთვის. ამის მისაღწევად ბი-პი და მისი პარტნიორები აგრძელებენ მნიშვნელოვანი სოციალური ინვესტიციების პროექტების განხორციელებას, მათ შორის განათლების დარგში, ადგილობრივი მოსახლეობის უნარ-ჩვევების და შესაძლებლობების გაზრდის, და მოსახლეობისთვის სოციალური ინფრასტრუქტურის ხელმისაწვდომობის გაუმჯობესების მიმართულებით, მცირე ბიზნესის წამოწყების და მისი განვითარების

ხელშეწყობისთვის, დაფინანსების და ტრენინგების საშუალებით. ასევე კულტურული მემკვიდრეობის და სპორტის ხელშეწყობის და საზოგადოებრივი ინსტიტუტების ტექნიკური მხარდაჭერის საშუალებით.

2025 წლის მესამე კვარტალში ბი-პი-მ და პარტნიორებმა, (რომლებიც იმ ერთობლივი საწარმოების აქციონერები არიან, რომელთა ოპერატორიც ბი-პი-ა), საქართველოში სოციალური ინვესტიციის პროგრამების და პროექტების განხორციელებაზე 47,300 აშშ დოლარი დახარჯეს. ამ წლის მანძილზე გაგრძელდა ადგილობრივი მოსახლეობის განვითარების ინიციატივის განხორციელება სამივე მილსადენის, (ბაქო-სუფსა, ბაქო-თბილისი-ჯეიჰანი და სამხრეთ კავკასიის მილსადენი), გასწვრივ მცხოვრები მოსახლეობისთვის.

ამასთანავე 2025 წლის მესამე კვარტალში ქვეყნის მასშტაბით სხვადასხვა სოციალური ინვესტიციების და სასპონსორო პროექტების განხორციელებაზე დაიხარჯა 27,700 აშშ დოლარი. დაფინანსდა და განხორციელდა სხვადასხვა პროექტები. მათ შორის, სოფლის მეურნეობის, გარემოსდაცვითი/ბიომრავალფეროვნების მიმართულებით ენდემური ჯიშის მარცვლეულის აღდგენა-გავრცელება და განათლების მიმართულებით სერტიფიცირებული ინგლისური ენის კურსი მედიისთვის.

საქართველოში განხორციელებული სოციალური ინვესტიციების პროგრამების შესახებ დამატებითი ინფორმაცია განთავსებულია: www.bpgeorgia.ge